

策
表
上

1005
287
7

本朝續文粹

三之四

子孫永保
雲煙家
藏書記
共十卷



本朝續文粹卷第三

策

藤國成問藤明衡辨賢佐策問對一條

藤明衡問藤正家辨閑塞策問對一條

藤實範問菅清房辨牛馬謹琴酒策問

對二條藤明衡問菅是綱江湖勝趣

策問對一條藤敦基問藤廣綱辨論

漁獵策問對一條菅在良問藤友實

野澤住趣策問對一條菅在良問江



匡時還行 策問對一條 藤敦光問
藤資光鄉國土俗 策問對一條 藤
敦光問 管宣忠通書信得實珠 策問
對二條 紀貫成問 花園赤恒詳和歌
策問對一條

辨賢佐

國成問

問登大統之尊者必求賢臣理庶績之劇者
先資良佐 當今比俗於胥庭致君於堯舜

蓋是得輔弼於戚里之親專舟楫於淵水之
用也感此新化尋古風未審仲父之在齊朝
二鴻可明其德公旦之輔周室比翼欲聞其
祥立言立功善家出於何處不謀不約有道
猶視於誰人一體相待之義宜詳之股肱四
面營求之勤勿秘於脣吻節風雨調陰陽先
賢之應對難知畏法令禁桃李往哲之鑒誠
易迷請課為山之業方決蒙泉之疑

明衡

對竊以乾坤分象君臣之義甫就造化施工
賢愚之性不聞信迺四海廣則廣矣更待莫
考之匡濟一人尊則尊焉猶賴良弼之翼扶
浮蘭檝於巨河安波瀾而導望澤構梅梁於
大厦揄材^揄轉轉而固鴻基是以道稱魚水義
感龍雲四獄升而唐朝盛八元進而虞氏寧
况復巖月通夢因後素以求貌渭河浪跡遇

西伯以彰名鶴杖頻飛誰栖黛岳而酌山盃
酒之騶軒旁至寧辭紫園而弄葛絃之琴汝
南地寒雪殘袁邵公之門地上天曙雲開張子
房之路節操不移衛地之竹煙青德馨遍播
楚^楚鼻之蘭嵐紫孫弘之宰漢室也開三館而
崇士魏徵之仕唐家也瑩一鏡而對君手臂
取噏簫相國之多籌策柱石建功霍子孟之
宙文章訪之圓蓋三台之光昭晰尋之方輿

五岳之勢崎嶇遂使隨前規而樂治化曹公
醉中門之霞居外戚而好風流庾氏登南樓
之月金闕理政鳴環珮於青瑩之曉風黃閣
忘私畱仁惠於赤縣之春浪者乎夫以仲文
之隨霸王譬往來於齊國之二鴻姬公之輔
聖帝驗祥瑞於崑峯之比翼立功立言之義
載芸簾而永傳不泯之論畫竹帛而無
朽股肱之為一軀焉躬迎之及四海矣學海

分浪尋源流以可識書林攢條就根苑而何
迷節風雨而調陰陽殷阿衡之詞霧歛施法
令而禁桃李鄭子彥之威霜嚴明衡非鳳章
謝龍輔臨棠榆告老之尅愁慕豫樟之林遇
賢者佐政之朝獨耻辱遇之姓况乎平西之
景忽聞欲鳳策之易迷解凍之風雖近慙狐
疑之難決謹對

辨關塞 正五位下行出雲守藤原朝臣明衡問

問聖主之治四海何廢至險於域中明主之
統八埏猶脩固守於瀛表是知小國之朝宗
大國也兆人之樂從一人也莫不據關塞以
通行歷鎮府而來往者也不審月令之垂範
誠臧來之詞欲聞漢使之封函溫故之說難
弁弁縑之節須詳其人望薪之名莫秘其說
近土置尉矣五人欣六華欣列仙好學焉為
梅生為松子陸凱脩歆之文指何處而致上

奏武帝立縣之制屬何郡而貽嘉猷余是山
陰之小宰也子亦洛陽之高才也割唐符而
將去愁逗留于文路之春月珥蟬蟬冕而新
誇莫停滯於疑關之暮雲

文章得葉生正六位上行近江大掾藤原朝臣正家對
對竊以黃河一曲續斷岸以飛梁丹壑萬尋
截危峯以砧路秦據四塞之固禁不軌於邊
隅魯設六閔之防備非常於敵國瞻式樓於

駐鎮聽晨雞而行營設筵候於遙峯驚秋雁
以結陣况復山河眇々兮無限関塞重々兮
有禁柳營春來旌旗遙拂柔條之綠榆城秋
暮戎馬盡嘶落葉之紅豈容公孫飭并指非
馬而晨馳孟嘗銜音竊鳴雞以夜度者乎若
乃越關之罪難宥不知歎寒之誠空心輒受
幻々碧海万穴於是朝宗隱々黃樞百蠻由
其譯遙結知親昭君入胡之淚落月久持

忠節蘇武歸漢之鬢戴霜方今重扉忘柝外
戶不扃威加有截包六合而為垣澤被無疆
籠八紘以作宇東西省一尉之勞南北無一
虜之慮自可遠通紫氣晚迎青牛近蔽黃雲
朝隨白馬豈得泛鸞驚之國不執符繻越
鸚鵡之遠鄉曾無膝狀誰依摠徑私出正門
至彼長城絕地高關連天龍荒憶俗則雪虜
千里龜林凝寒則木皮三寸韋韞幕入傳

射獵之風，羶肉酪漿，俗染衆羊之化者，歟！我
國家聖化洽于北胡之北，皇澤覃于西楚之
西，濟生民於壽域之月，萬歲一日之俗云移。
得賢佐於戚里之風，龍玲鳳翼之士自進若
夫月令垂範在縑緇而已，明漢使封函載竹
帛而不朽，弃繻之節終軍之志可知，望新之
名未學之眼易迷，百里之置尉備一人之職，
仙家之有郎定學二人之文見西陵之脩猷。

則吳朝之申奏不達，尋張掖之屬縣亦漢帝
之制度無廢謹對。

并牛馬

從四位下行治部大輔藤原朝臣實範問

問以乾爲馬，然猶坤儀有牧馬之真，以坤爲
牛，然猶乾象垂牽牛之曜，旁稟其靈於二氣，
盡施其德於四時，故命青衣而烈，崗上遺芳
躅於孟春之初，作黃土而堅，門前驗往訓於
窮冬之末，是則所以察万物之始終，知三農

之遲速也未審精麁異趣可疑九方之情牝
牡成訟誰決二家之理蔣袞雲前賜錢之功
猶暗建昌月下理稻之義未明且夫同種類
而改形容者貽異端於萬代之後占候而招
禍福者鑒未兆於千載之前然則毛隨去來
之潮尋起伏於何物鞭懸東北之樹得財貨
者幾年三疋一槽之夢指掌而欲聞一日三
視之功散角者難知子文器傳家豳牛之鼎

還少矣利根稟性斬馬之劍猶鈍焉庶振高
材於春官之策勿慣寓言於秋水之篇

文章得業生正六位上備中大掾管原朝臣清房對
對竊以二儀開闢之前萬象之形質未著三
才化成之後百獸之品彙漸分信乃馬者陽
畜也契熒惑於天文牛者陰靈也配土德於
地理農皇撫俗之時容負仰一人之位軒后
應苗之世服禹顯至命之書謂其利用則耕

駕遍九有之境推其吉符則氏族八万垂之
家漢代祖之初騎焉繼顏綱於二百年之後
晉宣帝之創業矣傳著姓於十八代之中故
白腹唱謳錢複五銖之号黃鬢免難鞭撻七
寶之环勞逸變玄黃之色功能稱稼穡之資
任朽索於善御政理取喻視遊刃於良庖形
骸無金復有二角及鼻者公家之象也趙直
所以推蔣家之任千里市骨者王化之基也

燕昭由其營隗臺之粧雖復百鈞遇規東野
之詞欲敗然而五特傳術西河之利長存魯
國三老之客待鳳詔於金門之月商飈七夕
之星役龍駕於銀漢之波逮於懷土之情不
異人倫習俗之性已任造化胡塞地寒駭首
於朔風之氣吳郡天煖吐舌於夜月之光者
也遂使綠草萋萋嚴嘶華山之晚紅花漠漠
蹄踏桃林之春白馬徒事之立新祠威信雖

舊青牛道士之歸旧里計會惟新一道之橋
下長卿之銘尚殘千尋之谷中惠氏之富可
量豈止秦嬴暴虐之日驚純精於靈樹之風
齊桓征伐之年垂老智於孤竹之露而已哉
國家聖運應一千之期親賢滿三九之位龍
雲上覆抽英材於學校之林虎風外拂驅飛
廉於蠻荒之地何況仁波所霑嘉瑞見馬澤
之畔女水無竭治化彰牛山之阿若夫問九

方於伯樂精而忘鹿尋二家於千公亦捨杜
而用任馳蔣山而賜錢蕭冕振勇力於南齊
君建昌而理稍幸靈昭華辨於東晉但毛隨
去來之潮起伏已混九流之中鞭懸東北之
樹財貨遂得三年之後一日三視之器傳器
之人可決其名三疋一搏之夢占夢之家寧

迷其義哉謹對

謹辭
琴酒

問琴者五音之統也通德神明酒者百藥之
長也含靈天地易象九五之文君子獲貞吉
之利詩篇三百之義窈窕閨友樂之情方今
淳風返于栗陸之前恩澤深於蓬海之底喻
聖道於堯年中衢之躋無盡比化績於舜日
南薰之歌長傳治世之美不光古乎然則宣
穎賞賜之環飭白玉欵飭玄珠欵謝譙獨醉
之室入昆弟乎入朋友乎春蟄含絲金氣之

斷絕奚在夜月共席水像之獻酬未明况復
重才薄位之喻矣莫秘曲調於齒牙二榼一
口之飲可分氏族於脣吻小兒墮璫璫之器
作賦者誰家鄙人迷瑩崔之名著論於何代
余之蒙昧子宜分明
對竊以陰陽分聲琴絃施調於時令星辰定
位酒旗垂曜於天文削而成器源起峰陽之
祠忘其積憂名類堂北之草是以華繪彫琢

錯以犀象之文清醕濁醪分其賢聖之色自
古龍圖鴻烈之君形措圖空之世莫不以之
為移風易俗之導以之為鄉飲朝會之基周
文王之得新書矣鸞鳳翔歌章之詞漢高帝
之歸故鄉焉風雲飛酣暢之席雖則禮典尋
蹤獻酬之序無爽然而政績取喻施張之義
相分五十六十東西定坐立位或和或乖郡
國辦理亂之音法四時而律臣方叶薰五內

而形骸已寬染濃氣於寸丹飄餘響於泰素
苦炎煩暑之天禪則有曲中之雪嚴凝江陰
之地頗亦遇曆外之春故新聲寥亮指寒心
絕之間滋味醇和耳煖三酌之後肅思話之
調石上賜銀鍾於北嶺之雲陶淵明之就聚
遙迎白衣於東籬之露蓋乃隱逸肥遁之栖
可以養其精志幽冥感動之類無以秘其形
容華陽夜天清韻理而寃魂暗語長平故地

膏澤流而恠氣忽銷况復樂叔元之得神仙
成都懸之雨風王敬伯之逢窈窕通波亭
之月蒼々周洛春闌羽觴迴桃花之浪楚臺
秋暮商絃入松葉之風者乎即驗宣穎賞賜
之珎如其飭者非白玉則玄珠也謝諫出獨
之居入其室者清風子朗月也春螢含絲之
義載芸縑而長傳夜爵刻木之恩指哲而可
識重才薄位之喻矣未能後學之鑒前循二

榼一口之飲焉寧非馬姓之忘牛氏至于小
兒誤墮瑠璃之器鄙人不并瑩篴之名作賦
家々詞海闊兮誰尋著論處々筆驛遙兮難
到者也清房才謝賈馬行異伯牛拜祖廣而
傾首雖仰冥感於百年之後望楊庭而銷魂
何夫高問於一日之中况兮職非樂暑聽鶴
操而耳根可迷義入醉鄉對鳳策而眼花欲
龍謹對

江湖勝趣

正五位下行式部少輔藤原朝臣明衡問

問圓蓋成質左迴之儀初開方輿呈形左轉
之基遂定是以坤靈坎德之正位春皇彰卦
三江五湖之分流夏后建功鸛洲鵲岸自疊
浮天之浪金塘珠泉更成納日之潭謂其勝
趣最足闡揚未審李冰立祠雲霧未開其地
桑樹迎岸日月難照其壘泯錢塘而揮釵焉

濤波之險夷宜決刻相枝而叮鼓矣音聲之
遠近欲聞冬出夏沒之石珠号難識仙藥百
種之山住名足尋布囊盛砂徃古之跡何在
盤石生竹周迴之程可詳子洙泗術業河漢
養才宜課鳳之文華以荅茲之詞藻

文章得業生正六位上行美濃大掾菅原朝臣是綱對
對竊以混元未割陰陽孕陶鈞之機玄理遂
通寒暑効造化之蹟輕清者上為軌道日月

麗天而昭明重濁者下化坤靈山水在地而
錯峙長江帶縈發其源於岷山之阿手湖鏡
澈分其流於巴陵之境白羊白馬之美稱載
蠹簡而永傳刑州揚州之勝形畫雲縑而不
朽遂乃苞拓百川呼吸万里并合沮漳朝宗
溟海暖雨染兮狐蔣芊兮伍員之廟鏤烟商
飈戒兮蘆荻索兮范蠡之舟雖雪拊澱羅筌
沙村之人樂業飛帆鼓棹波邨之客陶心岸

松之峯無泥羅山之途布囊盛砂之計軌躅
長存盤石生竹之美周迴豈暗謹對

辨論漁獵

大內記藤原敦基問

問上古之時邈哉遠矣蒸民蓋寡禽獸甚多
燧人之宅海內也教黎甿以漁伏羲之王天
下也命北庚以獵寔是安不忘危仁必有勇
之故欤然則草澤之為名區可詳歌嘯之客
石室之在樂野欲聞栖居之人晉文公之入

大澤辭賜者如何齊宣王之遊社山不拜者
為誰臺下垂釣遇何鱗族車前奉旌射何毛
群豫章之見魚形軀之大小宜辨楚國之士
得鳥翱翔之高位難量既謂涉獵之才可通
踰實之旨

藤廣綢對

對竊以巢居穴處之昔三駟之威未施春蒐
夏苗以來四時之禮無誤隨天維之所推遷

倒影紫鱗游泳于千年之綠浦挑馮粧絲鴛
蕩風于數片之紅清風朗月之夜表彥伯之
詞動魂陰雲重霧之天盧思道之文驚眼况
手垂鉤客与數点之漁火燒波叮舷泛遊一
曲之商歌唱月交甫之得佩知神意於十步
之後虞舜之投珠施德輝於万代之間又弱
柳春濃黃金瀨之水浸絃寒葉秋脆青草山
之嵐浮錦季應憶鑪不忘滋味於素節八月

之天曼倩膏藥遂驗遐笑於金骨千齡之日
誠是百谷之王群流之先者也我后德四三
皇仁六五帝梯山航海之遠賓貢琛於龍闕
之下羅帷蕙帶之逸客飛纓於鳳池之前瀛
來咸浴恩波寰中皆誇惠澤之秋也彼李冰
立祠彭門之戶易關幸樹迴岸廬山之岫何
迷錢塘揮鉞則波浪遂休桐枝叩舷亦音聲
何秘春出夏沒之石不截綠水之底仙藥百

種獺祭魚豺祭獸收地宜之所生育有山虞
有水虞遂乃王者公侯鱣由斯道黎元庶類
不失其時上可以供宗廟下以宴賓客何況
取魚忘筌周象之象太著權麟絕筆魯史之
文長傳梈澱成冷水泉也澤之賦非一籠山
絡野狐兔麋鹿之獲區分復有楚王之二好畋
遊雲焚之鳥墮地虞氏之施洪德雷澤之人
讓居走角飛羽縱橫於矰繳之間千介萬鱗

踊躍于網罟之裏呂尚者周之賢才也嚴老
者漢之逸士也文王禮遇之時初出渭陽之
月代祖躬迎之後遂歸富春之風魚者以水
為淺穿穴於其中為者以林為短重巢於其
上故鉤者形俯弋者頭仰三閭獨醒空吟江
濱之水二老忽見永隱野王之雲左慈引鱸
之術曹公驚心西巴放麋之仁孟孫有過者
也彼草澤風閑劉保之嘯可聽石室塵舊勾

踐之跡足尋至于遇晉文而辭賜對齊宣而
不拜廉潔獨顯大澤之浪洗心姓名猶明社
山之月照首臺下含下含鉤矣曰蛟之鱗甚
鮮車前中射焉毛群之類何暗豫章人之見
魚深望重淵之底蒲且子之得鳥不奈百仞
之高廣網雖受儒林之累葉猶少智水之餘
流欲思方裘以銳筆鋒猶如畫虎而類猶將
衡絲綸以泝學海未知潛魚之為龍况乎長

楊涌詞謝子雲而股戰落棠願景望西日而
魂摧謹對

永曆三年十二月廿五日

野澤佳趣

正五位下行式部少輔兼大

內記阿波權介菅原朝臣在良問

問野者邦國之所配也壇場立分澤者水草
之所錯也光潤成功是以九宥圻土之君焉
迴權輿放牧外五行釋名之象矣混濫觴於

川源地儀之道不其然乎若夫丹丘變形之
石其器如何黃池賜飲之公其兆不審學謳
謹而忘歸之聲為履霜為迴雪因田獵而致
祭之猴文狸歎白雀一角之魚令何人至何
處紅眼之水教幾女投幾安窈窕守氣至道
之精難分幽玄託心真府之驗可辨

文章得業生正六位上行能登少祿藤原朝臣友實
對竊以九野未定以往二耀混明八澤相闢

以降三林異品故玄王桓撥之朝群禽歸一
面之化伯禹菲食之昔衆庶營三晨之勤孔
父之遇西狩也獲麟之筆遺文高祖之達前
途也斬蛇之劍成業然而戎車三百萬至周
牧而伏山穰徒千萬騎幸楚夢而稱獲後有
明王施仁遺賢無暫留之跡哲后理政祥獸
有數出之蹄精兵批戰之軍遂爭汗馬之勞
虞人列次之職各守法象之官然猶素商秋

暮歸鷺之翅双飛碧漢夜深鳴鶴之聲高達
橫野將軍之居榆塞也武略雖聞彭澤先生
之占柳門也賢名猶彰方今煙草萼鉅鹿
縣之露夏深雲雁咆彭蠡湖之浪秋冷殷
帝通夢傳巖之月先清呂氏傳詞芒碭之雲
色紫生而繁茂嘉穀耒創漢之祥吐而玲瓏
明珠發清越之響田氏設禮之時結金蘭而
思契路氏嗜學之昔截青蒲而成功者歟復

夫丹丘為器之石耳露之瑞得其名黃池訪
飛之公流霞之色傳其味學謳謠於秦妓過
雲之響長留尋田獵於周王長月之性尚暗
但垂神聖而收出之魚詞海庶知今難并化女
子而冬溫之水智泉淺而無智知冥守氣已
聞崆峒之山幽玄託心自在學校之林友實
竹帛功疎縱恥鄙野之至性矣蓬瀛境異猶
仰皇澤之重暉焉春風雖和凝冰結今難解

西日欲暮愚谷暗兮易迷謹對

述行旅

問在良

問處外得中易象立貞吉之美軀國經野周
官傳方位之儀是以行人之占露宿也待安
積而達前程旅客之過月館也顧鄉國而思
後會行旅之基義大矣哉若夫魏太祖之遠
征也為東為西漢武帝之微行也遇男遇女

良金在岐未辨貪廉之性慈石累路將聞經
過之姿復高郵縣遙置幾驛而得嘉祿宜都
地僻指何山而遺幽趣出檻号長落之人其
變不雷入舟思子之歎其名如何早課朝華
夕秀之才莫滯離上民下之趣

江匡時對

對竊以水土山川錯峙之儀早著秦吳燕宋
遠近之跡長存云往云還誠置士之常也行

也旅也豈非俗之隻我是以玉門秋深行
而行不尽釵閣年暮步下而步猶餘北馬思
土蹠朔風而猶悲南牛戀鄉喘夜月而未息
皇華無私自極天地之峻行李有限誰過九
千之程終童之弃繻也遂畱使者之輶買臣
之衣錦也暨叔太守之緩涉塞垣而泣軍紀
功於燕然之嶺踰關隴而守險忍渴於踈勤
之城張博望之窮九河也通查於牛漢之月

楊將軍之度五嶺也分符於閩越之風然猶
高漸離擊筑於易水之上壯士反袖而傷嗟
辛叔子立碑於峴山之陽行人霑衣而於咽
卽練九折之雲一為忠臣一為孝子胡城萬
里之雪誰生而降誰老而歸國色之出漢闕
也金屑慰馬上之情王佐之辭渭濱也玉璫
當車右之任况亦綠耳嘶而欲去草長王孫
之源紫髯掉而不留木下郎將之泊吳人之

觀魯樂也聞雅頌而自知陳氏之入齊宮也
免負擔而可足然則魏太祖之遠征矣伐蠻
夷而可詳漢武帝之微行焉遇妓女而暫止
良金遺岐被鹿裘而知廉恥慈石累道披蝨
簡而忘謨謀至于高郵縣之嘉祿宜都山之
幽趣又峯高兮不尋筆驛荒而易惑昨虎記
兮忽去盡諳居嫗之意夜螢暗兮難知爭辨
八舟之名匡時略非豎智異夸子河漢詞

淺徒泥學海之千重櫟樟材疎豈望劉林之一朶問離視聽顧西日而慕魯陽焉道迷方隅何暮風而忘指南笑謹對

鄉國土俗

從四位下大學頭兼文章博士周防權藤原

朝臣敦光問

問方策既載九州為聖望之藩籬秘籙長傳十洞作列貢之窟宅鄉國之土俗各異黎民之貢賦不均誠是會同有禮如衆星之拱北辰朝宗分儀類細流之起東海者也然則孝

義立兮臭秘明主於五帝之中廣延著名可稱善舞於二人之際雍塞何處井雨之瀨氣未晴來遊幾方吉雲之境風於暗文賓之居大丘其葉不審景公之臨少海其詞如何千秋一會之語交友在誰一日千里之行壽算難量子神仙列籍藐姑射之雲通蹤才德含輝鄭公卿之月照地既習宏辨於縣河宜披蒙昧之鬱邑

文章得葉生正六位上行能登少祿藤原朝臣資光對
對竊以氣象肇啓未辨清濁之名形質既萌
漸定玄黃之位自介郡縣村邑之區分禹禹
取喻林藪原濕之各巢龍鱗著文一万二千
家街衢綿聯五万四千里山川綺錯莫不施
風教於華夷識土俗於鄉者也軒轅膺錄之
時雞犬之音相聞營丘割封之後魚鹽之利
自通禹貢所輸州民差賦殷之篋筐周禮攸

制地官掌戶口之圖籍養鄉國之惠君命惟
嚴杖國杖鄉之儀臣節無撓燕昭王之築隗
臺也四方之賢俊子來漢高祖之歸沛郡也
一座之老父酣悅獻酬頻催若下之霞蕩醉
曲調高和郢中之雪唱歌至如彼舊里退身
遐取持節踈大傅之出東都矣陳祖席於門
閭張博望之入西域焉轉仙查於河漢秦吳
境遙子行千里之月劉阮跡僻遺孫隔七世

塵復有老子往兮古廟長留九井之春花行
：范蠡去兮扁舟何在五湖之曉波茫不
稽大守之錦綉裝寧非思故鄉哉延陵季子
之劍未解猶為使上國也胡地秋深馬嘶柳
塞之風遼城日暮鶴驚華表之露國知緯光
常篇義標奇絕而已

我后一六合以稱尊四三皇以居大逾沙軼
漠之貢賂府無虛月鼎鼐同穎之嘉瑞國屢

豐年又賢才克朝皆元凱其行隱逸出野誰
箕穎其心者乎夫以明主之建孝義惠澤仁
厚善舞之辭廣延游波體輕訪壅於荊州陽
來縣境勝檢未遊於漢日東方地幽父業攷
不遑景公之詞堂猶美千秋之會就友道
以可知一日之行指壽域以易悟謹對

通書信

從四位上行式部大輔藤原朝臣敦光問

問書以述言非書則不傳信以導志非信則無通書藏之篋笥遙贈万里之風雲置之襟懷又移數迴之涼燠適抒膠漆之情同達繾綣之思未審梁帝所鈎若是為一首若是為二首蜀客所知不過八字歟不過九字歟聞高節以欲相看可相當世之英俊思佐命以得自薦豈泥專對之宏才持燭而非其意矣舉賢之相難詳截壁而嘉其慮焉入學之

號易惑犯朔風踐寒地誰人贈言於永豐侯陳鐘石泛滄浪幾客論賦於竟陵王余則七旬而詞華春廢何遊心於經書之林子是以八代而文藻日新將繼跡於儒雅之園老既及焉疑宜決矣

散位正六位上菅原朝臣宣忠對對竊以龍背負卦以來易象斯著為跡制字之後書契筆宣自介經天地經陰陽故繩木

弃而不用移日月移風俗故典墳興而長存
誠是仁義之陶鈎道德之橐籥者也遂使通
書信於万里之外宣王化於八埏之間發皇
華以赴絕域持使節以徇他鄉隣國揖讓之
時喻其志仁人餞送之日贈以言緘題既開
觀銀鈎之燦爛章句新鐫弄華牋之鮮妍劉
氏之展一紙焉賢行被世宋客之得百函矣
敏思軼人馬上染毫既瑤馳名於魏室軍中

掌疏張華擅美於晉朝盈尺之素加封鄉思
頻動迴文之錦織字閨情未休玉獨坐之却
豪右也交絕兮無得私謁嵇中散之謝人間
也性慵兮不能相訓千端萬緒陶侃之筆翰
如流明鏡寶鈎秦嘉之文彩宜照彼銜王命
以遠征盡臣忠以久勞關山重兮晚雲眇以
繫蒼鷹而飛詞原野遙兮春草萋以託黃犬
而傳問何當過營九月胡風斷降將之腸羈

旅三年隴水洗遊子之夢而哉
我國家鳳巢呈瑞龜疇表祥所通垂衣之化
遍及圖籍所載執珪之礼旁臻况復賢俊未
自魏齊寧煩駟使之一至隱逸出從箕穎詎
待鶴板之三徵然則簡文帝之答新瑜所釁
只在三首王子均之長戒旅欣識不過十字
訪當世之英俊則豈非韓國之臣尋專對之
宏才亦定為善隣之使鄭人之遺書也燕相

播麋杜氏之入學也神童傳號贈書於永豐
侯載芸蕪而未朽論賦於竟陵王披竹簡而
可明謹對

得寶珠

問明王駟俗哲后禹時其德至淵泉其實出
江海是以黃軒膺錄象罔得希世之珍夏禹
受圖淮夷輸佳土之貢珠之為用邈矣大哉
若夫詣闕而募五百金矣會稽之雲猶隱姓

名入洞而行數十里焉洛水之月未照虛所
魏后取璫應對未審鄭人買犢義里如何侯
王聽朝之履諫臣為誰仙客耀日之裳飛禽
難辨玩好非重莫秘寶器楚國體骨惟輕宜
顯原賜於石家才既琢磨請勿凝滯
對竊以道格上天則天不忤寶德苞厚地則
地不潛琬有感而應無脛而來見明珠之晶
熒含夜光之赫奕信迺拾庭而懷之少昊之

荆雞

佳瑞早呈投湖而沉之有虞之聖化云顯圓
通標名所喻者魯二十篇光彩加物所照者
魏十二番莊叟著書之處驪龍靜淵晉侯鼓
琴之時玄鶴舞砌花蓋朝映井泉宮之霞交
粧翠巖暮搖照陽殿之風成響孝武帝之宴
池上藻莫振鱗鄭文甫之遊江濱荆雞比
叔至于佳人冶容群臣列位玄鬢理簪如晚
星之映雲表青綬繫珮似秋露之泣襲端後

有伏波將軍之驗秘方也南土環恠驚眼合
浦大守之施善政也東京之美譽傳蹤旆飛
爲以與雲眇邈焉千仞之巖有摧色生臣蟬
以與月虧全矣百丈之水無掩輝精銳兮威
信長遺漢皇之鈿添飭慷慨兮感思未盡淵
客之盤連光即驗會稽之市敗朱仲著名洛
水之行人青簡載處尋應對於卞后選瑞以
取中訪賣鬻於鄭人買櫝以稱善景為履晏

子之諫可聞仙客耀裳飛禽之蹄易識如彼
玩好非重軀骨惟輕者萬國之貢縣旁分百
家之篇章非一披而決之蒙何惑矣宣忠父
樂顏卷再泝膺門學非研精誰吞成子之石
詞謝文彩未握雲蛇之珠况乎流年難駐隔
桃源而送齡嶺日已斜頤柳谷而遺恨謹對

詳和歌

從四位下和歌博士紀朝臣貫盛問

問夫和歌者志之所之也心動於中言形於外是以春花開朝爭濃艷而賞玩秋月朗夕望清光而詠吟誠是日域之風雅人倫之師矣者也不審野相公告別矣為西為東在中將歎老焉對月對日混本昔製未知其肯誹諧古辭欲聞其訓又臨難波津之什獻何主至富緒河之篇報誰人子性稟柿本累葉之風久扇志學山邊詞峯之月高晴宜課七步

之才名莫泥六義之應對

和歌得業生從七位上志摩日花國朝臣赤恒對

對竊以素盞烏尊之到出雲國望仙姬而始作三十一字之詠清三原朝之遊吉野宮訪洛媛而忽贈五七二句之詞夫詩之起自古而尔矣尋淵源於氣岸艷流涌神世之間捨華實於圃濃香施俗塵之中天孫者藩城之君也煙命松容而形言海童者潮汐之女也

騷人漚藻思而消魂曲水初三之日酌羽爵
而叩疑斜漢第七之秋代織女而惜別非詩
非賦只凝習俗之風情分賢分愚誠是酒人
之露膽遂使皋蒲腐而水螢流盡入幽玄之
興官樹紅而山蟬鳴高振神妙之理風雲草
木之非一課六義而編次哀樂怨別之區分
勞寸心而裁成燕寢夜長添清吟於寒碁之
韻野寺日暮動遠情於嶺鐘之聲往及遊子

之不我土寄旅應而馳思蘭棹桂楫之戀故
鄉付微波而通詞然則小野宰相告别矣掛
片帆於北海之波在原中將歎老焉鼓孤枕
於西樓之月難波津之斥獻大鷦鷯之天皇
富緒河之篇報豐厩戶之太子混本之昔製
記風土而易覺誹諧古辭訪日域而猶詳我
右德被上盛生視聽南薰風馥春日野之草
晉靡北共星晴天石門之霧高褰千代亦千

代平砂長而期苔薰之巖萬歲後萬歲飛塵
積而生雲懸之山矣謹對

本朝續文粹卷第三

本朝續文粹卷第四
表上

賀瑞

江大府卿朔旦冬至賀表一首

敦光朝臣朔旦冬至賀表一首

辭閔白攝政

實綱朝臣宇治入道前太

相國辭閔白一首

京極前太相國辭閔白第二表一首

江大府卿同第三表一首

同人同公辭攝政第一表
一首

正家朝臣同公辭攝政第

三表一首

江大府卿同公復辭表一首

敦宗朝臣知足院禪定前太

相國辭閔白第二表一首

同公辭攝政第二表一首

同第三表一首

敦光朝臣法性寺禪定前

太相國辭閔白第二表一首

同公辭攝政并內舍人隨

身表一首

同公復辭一首

藤相公法成寺禪定前太

相國辭太政大臣并內舍

辭太政大臣

人隨身第三表一首

實綱朝臣宇治禪定前太
相國辭太政大臣第二表

一首

在良朝臣知延院禪定前

大相國辭太政大臣第二

表一首

為政朝臣入道後謝准后

辭准后

儀表一首

敦光朝臣同公辭准后表

一首

賀瑞

朔旦冬至賀表

江師

臣忠實等言知機其神先見光古之符命膺
錄為后必受希代之休徵彼蒼之貺不其悅
乎臣某等誠歡誠喜頓首々々死罪々々伏惟

皇帝陛下名高二昊德被三才玉澤如春桃李施不言之化矣帝道似歲寒暑迎克調之氣焉焉放華山周年之草烟光鳳巢阿閣光日之竹露暄臣謹案曆日十一月壬子朔旦冬至誠是經列聖而難值鍾治世而偶來者也景縷著上推步履端黃軒同瑞論長生於少典之子炎漢垂祥願上壽於大宗之孫測玄主於霜露之所均一陰一陽在璇璣於宿

離之不忒如珠如璧昧旦肅儀圓丘之曉雲雖隔翌日受禮上邦之昔風猶聞况亦日官感曆數之自殊天臺奏陰暄之有慶扶桑之添耀也何損於明葵藿之傾心也無虧其影李家五色求同類於斯粟社數周禰鼎時於時山雲屬合扶木何損於明維雨聲寒若筆無虧其影龍圖鳳曆之初吉兆非一畚石負辰之後福應相重臣等幸逢有截之昌期近

觀莫大之盛事春秋惟富如望日之升月之
明朝野若樂不知手之舞足之蹈山玄水蒼
變雲官而來賀星旄電戟排霜伏而歡呼不
堪似感謹奉表以聞臣等誠歡誠喜頓首
頓首死罪々々謹言

嘉業二年十一月二日

朔旦冬至賀表

敦光朝臣

臣忠通等言珠璧連耀測景於周臺坐鏞奏

嚴迎時律於漢室哲后撫運暗協禎符者也
臣某誠歡誠喜頓首々々死罪々々伏惟
皇帝陛下踐翼養基欽象均德奉順天地之
道富有春秋之齡齡餘正時八九之節不忒
寒暑成歲十千之稼穡斯豐況今月壬辰朔
旦冬至得天之紀周而復始檢之方策則列
辟稀逢尋之彝章又群僚稱賀猗哉同初年
於軒羊大椿之陰更盛比聖日於堯日若華

之光初昇臣等值此有慶之昌期獻以無疆
之上壽高望絳闕之雲共雙鳳而來儀新擊
黃鍾之石与百獸而樂舞凡在庶品孰不傾
心非無欣躍之至謹拜表以聞臣某誠歡誠
喜頓首々々死罪々々謹言

大治元年十一月日

辭閔白表

實綱朝臣

臣賴通言任重踰渥者咎徵丕招而自來祿

薄守分者妖氣丕禦而先去將然之理玄鑒

尤明臣某

中謝

臣緬詢漢室近稽星朝抗表奏

辭官職之者或其休退賴急或當強仕以乞

身誠是避鬼敢於未兆遁天譴於無形也臣

之所請旨意異彼如臣者臥病以降炎涼屢

懷心根漸荒蕪肝葉將朽敗因茲視聽已衰

政績難決國家庶事莫不稽留仍自從去歲

至于今秋上章雖及四五前勅無改絲綸短

詞既窮樓若鄉之肩舌焉在寸情未盡谷子
雲之筆札奚為苦請之甚欲罷不能昔霍光
之美賢也秉政柄以不過二十載今微臣之
庸昧也理皇綱以欲及五十迴有何一能超
其先哲情思聖代殊私之寵還為愚躬沉痾
之媒伏乞陛下曲許懇祈彌照旁午之德輝
早罷愬己之恩詔又隨身共伏各付本府不
勝悚惕兢惶之至謹重拜表陳乞以聞臣其

誠惶誠恐頓首上死罪謹言

康平七年七月廿日關白從一位臣藤原朝臣上表

關白第二表

實綱朝臣

臣師實言去年十二月廿八日中使正四位
下行右近衛權中將兼丹波介藤原基忠至
傳勅命抑臣苦請雖仰遙漢之彌高未慰披
陳之敢切臣其_{中謝}臣關寸涉淺水豈有容萬
鱗之流尺木短條都無陰千牛之影寔知以

孱愚之微躬不能居顯赫之大徑昇崇班以
低迷下未佩鵲山之靈花荷重載以恐思如凌
歎龜海之嶮浪非櫟之仕心顏園措况復強
仕之齡未盈權貴之威既極長女之備后妃
也專懃啓令之芳儀外孫之為皇子也頻闕
降誕之嘉運倩憶家門之餘慶苟繼父祖之
遺蹤榮顯之過分雖驚人間之年目瓦滿之
招咎難避鬼瞰之睚眦方今陛下膺萬衆之

圖錄及五迴之星霜俗反涼素栗澣之風遠
廟德侔年藝黃菜夷之塵自開旁見朝野之肅
清豈資舟楫之利用哉臣之譏退蓋在斯時
昔范蠡之變名姓也稱陶光於五湖之波陳
仲之逃躬迎也謝楚金於一園之月微臣所
請異彼二子非偏遂肥遯於先賢唯欲取諂
訕於陋質伏願軫鑒曲垂矜憐早褰黃纊之
神聰更罷博陸之崇号不耐荷懼屏營之至

謹拜表以聞臣某誠惶誠恐頓首死罪
謹言

兼保三年五月十日關白從一位行左
大臣藤原朝臣上表

同第三表

美作守匡房

臣師實言去五月十日中使從四位上行左
近衛權中將兼備前介藤原朝臣公實至宣
勅命不許所請龍溪難返五雲之輿弥高鶴

唼未休九臯之嚴欲竭雖觸徑尺之鱗何堪
方寸之惑臣其中謝臣聞以蠡測海誰窮萬里
之烟浪令蚊負山豈舉不峯之雲巖物已有
之人又宜然臣德非周南智異魏丙謬入斗
筭之小量早昇台鉉之上班榮分既足久佩
山玄之靈珍寵光更臨忽荷關白之重寄原
恩所溺無水而沉衆毀所歸不寒而慄臣謹
訪故事自貞觀以來二百餘載居攝錄之者

十有三人或朝之重臣國之元老維岳降神
或渭陽之親海表之材自天成德故進補袞
職退叶民望一人在昔賴其慶焉四海于今
受其賜矣如臣者齡不及前賢總積五七於
夏曆地非左戚遙隔梁竇於漢朝覆餗之譏
雖遁何調大羹之鹽梅曲轅之材易沉豈堪
巨川之舟楫方今陛下鍾千年昌運恢百王
之流醕化高黃炎吹筠之風謝響道被白水

宿草之露讓名臣值聖明文思之朝忝啓沃
統理之任譬猶迎日月之清輝揚燭火之照
對雲雨之渥澤施浸灌之功論無用不豈然
乎況亦比屋之民封賞可期多士之代隱逸
何絕張子房之去漢闕跡入赤松之風綺里
季之歸商山鬻垂蒼華之雪求而用之天下
幸甚伏美停非據之職更掄有識之倫上銷
聖主妄授之名下免微臣舟滿之責不堪

荷懼征營之至謹重奉表陳謝以聞臣其誠
惶誠恐頓首々々死罪々々謹言

義保三年六月七日閏白從一位左大臣藤原朝臣

被辭攝政第一表

師實

江都督

臣某言先獻表輸未蒙矜憐寸心弥危似秋
駕之馳蜀坂方面既惑如北轅而適楚城雖
增飛越豈不披陳臣中謝兆非白燕性是朱
魯託風后之遺塵謬昇星階之首蒙渭陽之

渥澤猥步汾陰之蹤於是理萬機而絲綸易
紊當四海而涇渭難分隔鳳德而不及譬如
出天控地之比翎負龍圖而難堪奈何五山
三壺之在背朝慙夕陽五稔于茲况亦黍稷
秋少菜色日多上踖於三衆之愆度下躋於
八龍之發蟣月含時違誰問山中書生之喘
烟瘴間起未傳江南道士之方誠是少材少
藝又代天工匪德匪勲長掌神道之故也方

今齒隣知命蒲柳漸衰運鍾允會楓葉頻示
為朝為世欲避尚矣陛下通天之禮克涼
燠再改成人之儀早脩居諸幾迴百延首望
堯雲之新虞萬國改觀待舜海之初潤復辟
之期今此時也夫攝錄之任本非疇官之地
倍依之寄何限戚里之親呂尚者成王之外
祖焉曉雲長隔於大麓之道伯禽者文公之
元子矣秋月共老於少昊之墟左右思之遂

非臣分伏願鴻茲曲容鶴唳鑒此指河之誠
罷彼垂石之詔陛下自施穆之為之化微臣
將免慙之然之心不堪懇款之至謹重拜表
以聞臣某誠惶誠恐頓首頓首死罪死罪謹
言

寬治四年十月廿三日攝政從一位臣藤原朝臣上表

攝政第三表

正家朝臣

臣師實言秦渠假耀何助魯陽三舍之明燕

石韻奇，豈待趙璧連城之價，渥分知足中膽。
雖罄於再露，臯鳴不容上章，猶返自五雲，弥
增悚越。盍陳披陳，臣某誠兢誠惕，頓首。臣
死罪。臣聞，猛赤縣之君，先釋賢佐而株
嘉謀，撫蒼生之主，必薦良弼而容善政。君臣
合軀，不其然乎？臣德既無錙銖之可取，才亦
非鍾鼎之所錄。牛溲智蓂，轉聖化而首尾共
迷；鷲巢危多，理皇德綱而羽翼猶短。住之至

重情之所慙也。遠訪舊規於漢室，近尋故實
於皇朝。雖左戚之元老，非姬旦之化者，無
居雖右賢之重臣，非渭陽之寄者，不任賢戚
相詠。能安此舉，臣唯恭親戚之其名，更無賢
德之被物。有何一能攝茲萬機，矢高秩厚祿
者，謗訕之端也。異賞殊私者，恐畏之基也。願
不肖而意惑，子瑕貽嘲於史魚，爲居重任而
冤驚。葉公得畏於真龍，矢迴惶臨淵進退，惟

谷彼謝安石之在高尚逢子康之好肥遜幽
棲風暗青溪之雲埋跡素意水清北海之波
傳聲如臣者敢不遁名於闕下何必恣志於
墻東報國心堅唯抽其節於貞松奉君思苦
猶顧其榮而戰栗者也抑起自臣一門固有
斯遺跡忠仁昭宣之故事人以謂叶名望天
慶長和之先蹤世以謂賞功勞臣名望不高
功勞共淺偏繼家之餘續只浴國之重恩欲

退之思誰謂飭讓伏願陛下遙照匪石之懇
志早罷攝籙之重名又內金人近衛府各以
令從歸狀不任惓歎之至謹重拜表以聞臣
某誠兢誠惕頓首々々死罪々々謹言

寬治元年八月廿三日攝政從一位藤原
朝臣第一表

復辭第二表
江大府卿

臣師實言山無簫韻春風猶揚三呼之色河

有定期秋水暗表一清之色運命所開雖聖
人而不謝精誠所感雖上天而必通臣某中
謝臣材無越群僚智不周万物既少推宣之
略久居愍已之任色源本淺應若管晏而休
性圃空無何至周邵乃上爰當成王照帝之
朝受莫大殊常之寄令出綏綬之門身補襄
軾之闕上導一人樂致言於光舜下顧四海
思返俗於黃炎然猶心事周養政道稀疎穿

舟易漏焉雖慙懷冰先生之論走馬難却矣
未符侑華大夫之詞任重責大魂驚骨迷是
以瀝方赤而抽志仰圓紫而祈恩松筆猶露
過于三至于五芝泥無改涉日居涉月諸方
今微臣彌迷暗昧似夜燭之遠去陛下方
富春秋如朝陽之始昇玉軀既長早脩一
加之儀玄德惟新誰寄百里之命况亦進訪
帝臺之瓊篇退檢臣家之竹簡年華五週而

還政便是永祚賢相之前規也歲實一紀而
臨期豈非寬仁聖主之舊貫哉躬事之初今
其時也至彼僕才之待登庸隱士之在巖穴
嚴先出而早歸富春之雲山暗表安臥而未
仕汝南之雪門寒舉而用之百工自治伏願
陛下曲彼如綸之命弭此匪服之譏咸理
廢績於冲襟將致盛化於垂衣臣葭莩地親
非不盡寒松之節風雲期至豈敢應溫樹之

言無堪戰汗征營之至謹重拜表陳讓以聞
臣某誠兢誠惕頓首々々死罪々々謹言

寬治四年十二月廿日攝政從一位臣
藤原朝臣

富家殿謝闕白第二表 敦宗朝臣
臣忠實言去七月廿九日仰 魏宮而祈恩
翹陳章而抽歎即日中使正四位下行左近
衛權中將兼備中介藤原朝臣俊忠至奉宣

轂旨返臣上疏。顛負無力。逢海之山在背。
焉執惕銷魂。宮國之石萊步矣。臣某中謝。臣
聞上天善高日月以光其德。明君至聖輔佐
以贊其功。故九臣司職。唐堯正德化之冠。四
友居官。周文踐紀仁之履。治世要道。以人為
基。伏惟陛下代蒼生之上。雍熙有序。成魏
之業。實撰無私。而今所以不嫌愚丹之陋。
質授此闕。白之重寄者。偏唯謂家塵之積善。

將疑有器用之餘風也。然而臣無才可取。無
行可觀。憶智於列祖。同高天之不可階。責功
効於匪躬。似原地之不可控。自知非據。誰謂
當仁。且夫君子忘盈居謙。貞臣揣分就列。金
日磬之助主也。猶逃公侯之封。石萊相之請
君也。將避賢者之路。是皆擺寵光於既盛。慎
氣悔於方來者也。於庸頑寧無危慮乎。休退
之念。寤寐在斯。縱雖罷愬。已臣何改。夙夜在

公之節縱雖避大名臣豈忘忠諫傳家之誠
若有一言之利於行則披腸心而應陳若有
一事之叶於宜亦竭肝膽而欲達陛下以
理世為宗須行善政以善政為恩早擇隱才
被秋霜八旬商洛山之月眉光晚波一道傳
巖澗水色寒殊有窮迎何無賢哲伏望天
慈停臣妄授持滿者心所懼也請守知足而
先全身恭動者性所養也請還微班而永奉

國無勝棟迴屏營之至臣某誠惶誠恐頓首
死罪謹言

嘉泰元年九月十八日閏白左大臣正
二位臣藤原朝臣上表

富家殿攝政第二表 敦宗朝臣

臣某言去八月十三日中使從二位行權中
納言藤原朝臣宗忠至宣以日勅臣上表焉
暉難照彼蒼仰而彌高龍光頻加方赤惑而

光燭再三顧已迴惶無聊臣其謝中臣聞天下
不能自立立聖君而施教令君不能獨理待
賢臣而經邦家譬夫形物者鏡之明而照四
隣制事者軸之滑而馳千里輔弼之奉國其
用如斯焉而臣無智能之助化非聖謨之被
時先朝鈞俗之時猥忝忝已機要當今握符
之日柱登攝籙之榮班唯以累祖元功之未
鹿空荷過分非據之重任誠於朝廷未有補

益且夫良佐未必為勲績累葉之胤嗣聖弼
未必出權豪一門之道流鈞玉璜而助姬文
即是回溪之賤老也負斷頤而說王道寧非
有莘之媵臣哉皆出於巖穴有益於政途者
也方今應萬代之嘉期當千載之昌運聖日
新霽始薰仁壽之風皇澤旁流能阜富庶之
俗縱無良弼可致雍熙然而西施自鑒井中
不濡其美而事洗浴唐堯自鑒天下不濡其

賢而貴輔佐安而不忘危先哲炯誠而已然
則猶求賢才彌施治化況乎負展者文武之
備也何兼多藝於一愚垂石者尊崇之儀也
爭假大名於小量臣之愚蒙不知早退伏冀
天慈停此攝籙優無隱之誠容不勝之請
不勝慙歎屏營之至謹重奉表陳讓以聞臣
某誠惶誠恐頓首々々死罪々々謹言

天仁元年十月九日攝政右大臣正二

位臣藤原朝臣上表

富家殿攝政第三表

敦宗朝臣

臣某言去年十月九日使從四位上行右近
衛權中將兼美作權介源朝臣師重忽奉宣
轂旨不許所請又同月十五日勅命賜內
舍人二人左右近衛府生以下各六人為臣
隨身兵仗者寵章重至驚惶弥深臣某誠兢
誠惕頓首々々死罪々々臣聞攝政上班者

希代重任也訪之周朝則起於成王叔父姬
公旦尋之日域亦始於微臣曩祖忠仁公彼
皆乃神乃聖輔幼主而安一天多藝多才固
皇基而傳万代而臣猥以猥賤之陋質忝此
非分之崇名唯是依綸命之一言理機密之
繁務而已詣公闕而拙愚謹備俟我后之
成人退私廬而顧短才自慙微躬之不肖進
退迷方四照之花未佩暗稟性五明之珠無

光賜禁兵而流汗似芒刺之在背焉當負宸
而銷魂類巖壙之歷已矣誠以小量方納大
麓旁謂非據誠其不堪譬猶擬鳳凰之羽毛
空崇魯門之雉書麒麟之皮角覆唐室之驢
器用与職相戾儀序觸類難諧復夫氣滿者
傾花之根元歸休者長生之秘術故范蠡之
避浮榮棄扁舟於湖上之月許由之逃重祿
得仙藥於山中之雲是則好肥遯而謝名樂

閑放而送性者歟如微臣者首意事殊無慕
幽隱非秘行能恥過分之歡華懼超涯之惠
澤也望恩橫頭猶百身以應報國家訓在耳
品一心以欲奉公縱罷高秩崇班匪石之心
不轉縱居卑位賤職指河之誓何悛伏冀陞
下停此攝籙又內舍人左右近衛各付本府
令勤驚巡不勝惓歎之至謹重拜表以聞臣
某誠兢誠惕頓首々々死罪々々謹言

天仁二年二月廿五日攝政右大臣正
二位臣藤原朝臣上表

辭閑白表

敦光朝臣

臣忠通言去年十月廿三日中使正四位下
行左近衛中将兼美作介藤原朝臣宗輔出
自紫園奉宣倫旨光曦傾心專候震光之
曲照陳露瀝黑更驚溫喻之逾深臣其中謝
臣聞天地者運寒暑以成功君王者固輔佐

以致治隆周當統且與廿一作四城之維大漢受
面蕭曹為百司之冠寔知簡賢挺才則上下
具瞻履義執忠亦中外是賴者也伏披國典
偷檢家譜掌樞機之巨細者多朝廷之元老
焉雖去太早猶及壯年但曾祖文康平大相
國少而攝帝錄尚以過臣齡况德叶辰象著
微行於景鍾氣蘊風雲垂佳猷於方榮臣庸
璫而居斷鉉之任幼弱而兼柱石之基譬猶

窺大虛於寸管辨以九野之分託重載於尺
舟涉其三峽之危噐之乖用不亦然乎彼陳
蕃一舉騶使徒馳于徐孺子之門魏文十徵
鶴書空飛于管幼安之巷斯皆高尚養性肥
遯樂情加臣者職備台玄衣非無補闕之誠
身飽 皇恩長有報國之志唯是尸祿之謗
不免翼替之勤難抽而已伏願 陛下殊鑒
微衷請取博陸之名將守允滿之誠不堪懇

款慙懼之至謹重奉表陳乞以聞臣某誠惶
誠恐頓首、死罪、謹言

保安三年五月十七日閏白内大臣正

二位臣藤原朝臣上表

辭攝政内舍人隨身表

敦光朝臣

臣某言去年八月廿二日中使從四位上行
左近衛權中將兼近江介藤原朝臣宗能忍
至臣第一不許所請又同月廿五日勅命

賜内舍人二人左右近衛府生以下各六人
以為隨身兵仗者數旨以流汗增異賞以銷
魂臣某誠兢誠惕頓首、死罪、夫以
上者有明王下得賢佐殷室之舟不借人矣
朝忙夕忙唐家之鏡無鑒負焉照今古寔是
擇賢為之遠則營求於野量能舉之近則登
庸於朝輔弼之寄皆如斯臣譽隔二南任忝
愬已枝帝道而寵寵祿自招懸貺之判昇台

司而迷調和偷慙問牛之詞方今當先心之
逃星圖委魯愚以託幼主姬公旦之立戶牖
也遺塵傳蹤霍子孟之賜畫圖也舊儀在眼
官祛邪淫驚遠無聊訪之國典銜君命以掌
庶務者雖多檢之家譜及臣齡以攝万機者
甚少百寮為之側目衆人為之反脣况復才
華弥用恩踰於渥譬猶絨石為珍銜以連城
之價雕冰作器容以中衢之醪取喻諸物不

亦然乎至變字姓分行志拋名爵今退身蘭
陵地出春雲埋范蠡之跡松江波冷秋風動
張翰之心如彼二子性好高尚於此微臣思
在忠勤曉來倒衣先拜我君日新之明德夜
分忘寢更仰我君天縱之聖容豈敢掛冠
抽簪擺榮於雙闕之月何必叩觥鼓棹晦跡
於五湖之烟淮弭曠官之責欲全報國之議
而已伏願陛下停茲攝籙又內舍人左右近

衛各付本官令勤其職不堪荷載征營之至
重拜表陳乞以聞臣某誠兢誠惕頓首
死罪謹言

文治元年六月十五日攝政從一位行
左大臣藤原朝臣上表

辭攝政表

後辭

敦光朝臣

臣某言寵是若驚誰忘五十字之遺訓言不
盡意難爲三百句之雅懷願允滿而揣分於

已抱危懼而方寸自迷臣某誠惶誠恐頓首

死罪臣聞造父者善御也不能馳

駕蹇爲逐日之蹄歐冶者良工也不能淬鉞

錫仰衝斗之氣君雖將聖寧抽允用之臣世

雖至治未舉不材之士國之須賢之輔國

譬猶厦屋之有柱石路車之有輪轅者也臣

器慙瓶甒職歷斷鉉太上握符之際奉

詔命以統理衆官陛下受圖之初託嚴旨

以攝行度務扶萬機而半日不堪况於及二
代乎入大麓而一時易惑况於至七年我遂
擢暗昧之庸軀猥授師範之高秩唯招譏於
世曹更取喻於國冠悞墨之思推赤俟仁方
今夏曆始悛我君導首飾之舊典春醴惟原
微臣供面柄之新儀睹元老指南山獻壽
言雍々列卿登東塗而頌朝政百辟仰就日
之德九賓傾嚮風之心是以頻抗讓章請逃

重寄雖罷上衮之官尚帶攝錄之任倩計復
辟之年華同成周之勝蹟且躬馭借之政李
決旬齊之聖襟誠是藝倫所鈞物議所歸而
已殘暑流行嫌赴熱公子之貪浮名秋露瀝
詞暮居冷先生之養至姓伏望乾慈察此
匪躬弭其所職陛下若華之先新昇微臣
寒松之節未撓何必栖野雲之幽深何必棹
湖水之僻遠既有選納之義君恩豈无出入

之許禁脰臣孽^上以守爵位時^下欲拜龍顏
臣之願也臣之忠也不勝挹滿之至謹奉表
陳謝以聞臣某誠惶誠恐頓首^上^下死罪^上^下
謹言

大治四年七月日攝政從一位臣藤原
朝臣上表

入道殿謝太政大臣并內舍人隨身第三
表
式部大輔廣葉

臣某言二瀉方亦重仰^上玄矜憐之恩無
降照臨之光難及蹈虎尾而失步觸龍顏而
寒心臣某中謝臣聞受非常之寵者為衆所
歸當希代之恩者為時所讓是以其任階則
雖頃流聲其選乖則尊卑以目非賢非能無
才無智偏美餘慶於累葉抽不次於群英望
者雖人之所慕崇珥者雖家之所傳而皆當
選以昇非猥所任矣臣之在職無一可堪夫

常美相之乞老漢主許以百斤之金鍾大傳
之求伏魏帝賜以一束之菊彼已告歸也臣
只遁職也雖識君命難改隨臣所請者也况
亦縱及一身衰邁之日撫白鬢以欲仰鳳宸
若當万機餘假之隙何青瑱以欲見龍顏詞
盡前章何止新旨伏願 洪慈曲反電光
陛下若垂恩於臣者早答允容於丹悃微臣
若有益於國者何惜殘齡於 皇恩無任試

懼之至謹重拜表以聞臣某誠兢誠惕頓首
死罪 謹言

寬仁年二月九日太政大臣從一位藤原朝臣上表

謝太政大臣第二表

美作守實綱朝臣

臣某言今月十日中使從二位行權中納言
源朝臣俊房至奉宣口勅返以辭表進退易
迷豈用齊管馬蹄之智惆恍失度如逢魏臺
鶴髮之兢臣其誠惶誠恐頓首 死罪

臣聞君為元首臣作股肱首雖尊高必資
手足以成體君雖明哲必藉股肱以致治故
周王之兆龍虎迎賤老於七迴之春軒皇之
會風雲得名相於二夢之晚況至于儀範博
陸之任者固乃千帝万王可恭也臣謬承一
門之芳債猥帶兩箇之榮斑危殆未退思鸞
幕而寒心嘉謨等無輸向戰搏而赭面臣謹
檢家譜遠自曩祖大織冠近及已考太相國

居其鼎鉉者皆是朝之傳器執其鈞柄者莫
不世之宏材而惑當壯日以早爰或臨暮齒
以始達如臣者愬塵務而事君五八之星風
多過戴重恩而報國七十之春秋空餘老於
先公九年乃是愁遺之命也輔於聖主三代
豈無虛受之譏哉唯恐衰暮之質徒留汙朝
之名夫礼制懸車者老人之所守也臣既過
其齡盈滿覆舟者先哲之所讓也臣將避其

誠伏願

陛下殊禹允許早改四海儀形之官其罷百
官總已之任又隨身兵伏各令歸欵然則閑
養魯性結夢於華戶之風遙祝光年効詞於
華封之日不勝屏營暫懼之至謹重拜表陳
乞以聞臣其誠惶誠恐頓首、、死罪、、
謹言

康平五年正月廿二日太政大臣從一位臣藤原朝卜上表

富家殿第三表

在良朝臣

臣忠實言苦凝方赤之悃誠頻仰圓紫之明
鑒照瞻忘名縱隔恩輝於秦鏡納聽有跡蓋
達轂聽於夏鐘自二至三欲罷不能臣某中
臣伏惟掄才審官者往哲之嘉訓也論功授
職者累聖之恒規也是以唐堯撫民四獄助
經緯之化周成繼曆三少弘社稷之基固雖
明王明主之代高委至忠至直之臣如臣者

齡近四旬身無一藝文非武爭全重載於楊
舟少智少謀誰期肩垂於竹馬前後三百餘
之諫訪魏徵而敢無進其一焉巨細五十九
之非追遽氏而兼可加其數矣世之所榮者
身之所懼人以為幸者身以為憂故寵遇難
謝謬澤之恩湛、尸進退如春惟谷之步戰
、欲陳風績於三年則謀事不至欲齊星陞
於七政亦納麓易迷譬猶蓄珠玉而無瑩飾

幾硤於金闕種芷蕙而無採翫疾梨於蘭臺
君若優賢相之後裔臣傳家門之塵君若抽
諸圖之舊功臣立羽翼之勞彼伯禽者攝錄
之後也未肩展於東海之雲黃公者在蒲之
舊也空逃名於西漢之日乃知三台之班不
可妄居万機之寄不可輒託矧復隱逸在野
英俊滿朝若耶溪之春風鶴板未及維陽山
之秋月羊裘猶存求而用之天下幸甚伏冀

陛下鑒此微意罷其儀形軫照可畏雖避祿
秩於盡一之蹤震慈難酬將專轉導於通三
之德不任慙懼之至謹重奉表以聞臣某誠
兢誠惕頓首々々死罪々々謹言

天永四年四月十四日攝政大政大臣從一位

入道後謝准后儀表

文章博士為政作

沙彌某言伏奉今月八日

勅命賜臣

以二千戶封及准三宮儀焉亡考適世之昔

初斯塵聖上御寓之令強追彼蹤雪旨雖除

冰尾忽蹈

謝其中

須占幽寂以住觀念避喧囂

以學坐禪而為病恙之易發常問良藥於醫
方依筋力之漸衰未致苦行於佛戒況若栖
野雲則遠可隔鳳闕龍樓若截山月則遙欲
謝椒房蘭殿雖思謗訕暫以徒倚方今乖于
出家之幽意更賜希代之厚恩草庵至窄宮
園之准的非便山厨不寬二千之食邑奚納

加之所陪從者衲衣之法侶也誰有任人賜
爵之望應儲舊蓄者香花之什物也曾無生
民貢賦之要既絕妄語於十惑寧飾虛詞於
一端伏望聖慮幸照蒙襟早收無涯之恩波
渴小流之定水不勝懇迫屏營之至謹机表
陳乞以聞其誠惶誠恐頓首死罪
謹言

寬仁三年六月十九日

辭准后表

敦光朝臣

臣忠實言今月三日中使從二位行權中納
言兼右衛門督中宮權大夫藤原朝臣宗能
至賜以勅命抑厥疑誠雖仰難聽之可
褰更歎綸誥之不許臣其誠惶誠恐頓首
死罪臣聞陶唐至治之時稷契持
仁義之杖隆漢昇平之日蕭曹勲文武之冠
信通侯國器以導俗世鑒以馭民者也臣小

量而入大麓之路下愚而登上台之階萬機
者昔之務也割錦之用早休貳膳者今之齡
也和羹之味如忘謹披勅書俯奉 轍旨寧
臣之親皇后之祖隆邦家之褒賞叶兆之仰
望三宮之儀一門之擬蹄者 滾汗之命慙
慨于情檢舊風於寬仁則不及前賢百万里
壽故實於治曆亦猶少曾祖十餘年有何徵
猷繼彼勝躅况復長女之脩后妃也禘輦禱

而古芝砌少子之帶將相也閣電戰而步槐
庭臣非材非藝少功少勲經四代之明時為
一朝之元老高秩厚礼者君之惠渥焉嘉遁
逸遊者臣之願足矣方今容姿差變詎候屢
加擺塵累於城闕驗谷神於林泉松軒秋風
傳山中宰相之遺愛藥欄曉露訪淮南道士
之秘方伏羨 陛下參天之德專容鄙懷兩
曜之明曲察野贖前表所請皆從停廢至于

巖阿逃名郊端養性帝鄉不遠伴白雲而迴
往來之駕樵徑為隣逐青嵐而恣閑放之心
既斷羈束寧叨寵榮不耐荷懼之至重抗表
陳乞以聞臣某誠惶誠恐頓首、、死罪、、
、謹言

保延六年七月十三日從一位臣藤原朝臣上表

本朝續文粹卷第四



